

ANËTARËSIMI, RIANËTARËSIMI, KUOTA E ANËTARËSISË DHE RIANËTARËSIMIT

Duke qenë se jemi në muajin qershor dhe afati i fundit për pagesën e anëtarësisë vjetore është 30 qershor, përmes kësaj pjese do të përfshijmë disa nga këshillat lidhur me anëtarësimin dhe respektimin e detyrave të anëtarëve të Odës, përkatësisht ekzekutimin e taksës së anëtarësisë vjetore.

Fillimisht, anëtarësimi buron nga Ligji Nr. 04/L-125 për Shëndetësi, ku në nenin 78 thotë:

KREU XIII

ODAT E PROFESIONISTËVE SHËNDETËSORË

Neni 78

1. Odat e profesionistëve shëndetësorë janë organizata profesionale, të themeluara nga Kuvendi i Kosovës me ligj.

2. Odat nga paragrafi 1 i këtij neni organizohen në lëmitë e mjekësisë, stomatologjisë, farmacisë, dhe

infirmierisë; dhe për punën e tyre e informojnë rregullisht Ministrinë.

3. Të gjithë profesionistët shëndetësorë duhet të jenë anëtarë të Odës përkatëse nga paragrafi 2 i këtij neni.

Përveç Ligjit Nr. 04/L-125 për Shëndetësi, anëtarësimi është i obligueshëm për të gjithë profesionistët shëndetësor edhe me Ligjin Nr. 04/L-150 për Odat e Profesionistëve Shëndetësor, Nenin 8 i cili thotë:

KREU II

ANËTARËSIMI NË ODA

Neni 8

1. Anëtarësimi në Oda është i detyrueshëm për të gjithë doktorët e mjekësisë, doktorët e stomatologjisë, farmacistët e diplomuar, infermierët e diplomuar, mamitë e diplomuara, fizioterapeutët e diplomuar, laborantët e lartë mjekësor, logopedët e diplomuar, foniatët e diplomuar, psikologët klinik, profesionistët tjerë shëndetësor me kualifikim të mesëm dhe të lartë të përcaktuar në regjistrin zyrtar të ministrisë të cilët ushtrojnë veprimtarinë e tyre shëndetësore në Republikën e Kosovës.

2. Anëtarësimi në Oda është i detyrueshëm edhe për profesionistët shëndetësor nga paragrafi 1 i këtij neni të cilët ushtrojnë veprimtarinë e tyre në kushte të mbrojtjes sociale, institucione tjera të organeve shtetërore, në fakultete, gjegjësisht në shkolla profesionale, në ambulanca të mjekësisë së punës si dhe në të gjitha rrethanat tjera ku ushtrohet veprimtaria shëndetësore në përputhje me ligjet në fuqi.

Si rregullohet kuota e anëtarësisë?

Anëtarësia po ashtu ka burimin e njëjtë ligjor, pra një bazë ligjore ka edhe te Ligji Nr. 04/L-125

për Shëndetësi, Neni 78 i cili thotë:

Neni 78

5. Odat e profesionistëve shëndetësorë vetëfinancohen me pagesat e anëtarësisë dhe format e tjera të pagesave të profesionistëve shëndetësorë nga paragrafi 3. i këtij neni, në pajtim me ligjin nga paragrafi 1 i këtij neni. Tutje, çështja e përcaktimit të mënyrës së regjistrimit bazohet në Nenin 15 të Ligjit Nr. 04/L-150 për Odat e Profesionistëve Shëndetësorë si në vijim:

Neni 15

Odat me akte të veçanta përcaktojnë mënyrën e regjistrimit, evidentimit dhe mirëmbajtjes së regjistrave, përmbajtjen e regjistrave si dhe formën e shkresave, vërtetimeve dhe akteve tjera të Odës në bazë të evidencës zyrtare.

Bazuar në Nenin e lartcekur, Oda e Mjekëve përmes Statutit të saj, përkatësisht Nenit 14 përcakton obligimet dhe përgjegjësitë për anëtarët e Odës:

STATUTI I OMK-së

1. Anëtarët e Odës kanë këto obligime dhe përgjegjësi:

1.1. Të respektojnë Statutin e OMK-së dhe Kodin e Etikës profesionale;

1.2. Të paguajnë anëtarësinë e OMK-së në mënyrë të rregullt;

Çfarë ndodhë nëse nuk paguhet kuota e anëtarësisë vjetore?

Në rast se neglizhohet afati për pagesën e anëtarësisë, pëson ndërprerja e anëtarësisë, kjo duke u bazuar në Nenin 15 të Statutit të Odës:

Neni 15

1. Anëtarësimi në OMK ndërpritet në këto raste:

1.4. Në rast të mospagesës së anëtarësisë në vazhdimësi gjashtë muaj;

Çfarë ndodhë në rast të ndërprerjes së anëtarësisë?

Me rastin e ndërprerjes së anëtarësisë, Komisioni për Regjistrim, Licencim dhe Rilicencim nxjerr Vendim për çanëtarësimin automatik të mjekut dhe në këtë rast mjeku humb çdo të drejtë të marrjes së shërbimeve nga Oda e Mjekëve: ku përfshihen tërheqja e vërtetimeve për anëtarësim, licencë pune, të kaluarës etike etj. Po ashtu me këtë rast humb edhe e drejta për përfitime të përkrahjes financiare në fusha të ndryshme si ajo e punimeve shkencore, solidaritet, përkrahje e veçantë individuale etj.

Bazuar në Nenin 16 të Statutit të Odës së Mjekëve të Kosovës, anëtarit të OMK-së që i është ndërprerë anëtarësia është i obliguar që në afat prej 7 ditësh t'ia dorëzojë OMK-së

Revista Mjeku

kartelën e anëtarësit, në të kundërtën OMK-ja e paraqet në Këshillin Etik për fillimin e procedurës për shkelje të legjislacionit në fuqi.

Kartela e anëtarësisë së mjekut është pronë e Odës dhe si e tillë duhet t'i dorëzohet organeve kompetente të OMK-së me rastin e çregjistrimit të mjekut nga Regjistri i anëtarësisë, kjo bazuar në Nenin 12 të Rregullores për Regjistrim, Licencim dhe Rilicencim në OMK.

Bazuar në Nenin 27, paragrafi 7, Pronar i faksimilit është OMK-ja, dhe si i tillë duhet t'i dorëzohet organit kompetent në këto dy raste:

-Me rastin e dorëzimit të Licencës së punës të skaduar, për të cilën i është lëshuar faksimili i tillë; dhe

-Me rastin e çregjistrimit të mjekut nga Regjistri i anëtarësisë.

Gjithashtu duhet theksuar se në rast se mjeku dëshiron të rifitojë anëtarësinë në Odën e Mjekëve, duhet të aplikojë për rianëtarësim.

Çfarë është rianëtarësimi dhe si aplikohet?

Rianëtarësimi në Odën e Mjekëve është formë e riaplikimit për anëtarësim e cila ndodhë si pasojë e çanëtarësit të vullnetshëm (me kërkesë të anëtarit të Odës) apo si pasojë e mospagesës së anëtarësisë në vazhdimësi gjashtë muaj.

Rianëtarësimi aplikohet kur mjeku personalisht apo i autorizuar i tij/saj paraqet kërkesën duke plotësuar formularin e veçantë për rianëtarësim, si dhe dëshminë e pagesës për rianëtarësim në shumë prej 100.00€, sipas Vendimit të Kuvendit të Odës së Mjekëve të Kosovës për caktimin e taksave administrative në OMK.

Bazuar në paraqitjen e kërkesës për rianëtarësim, Komisioni për Regjistrim, Licencim dhe Rilicencim nxjerr Vendim për rianëtarësimin e mjekut.

Çfarë ndodhë në rast të ndërprerjes së anëtarësisë pas rianëtarësit?

Në rast se mjeku rianëtarësohet dhe përsëri neglizhon detyrat dhe përgjegjësitë e tij karshi Odës së Mjekëve, Komisioni për Regjistrim, Licencim dhe Rilicencim nxjerr përsëri Vendim për çanëtarësimin e tij.

Tutje, nëse edhe pas çanëtarësit për herën e dytë, mjeku dëshiron të jetë anëtar i Odës, procedura për rianëtarësim është e njëjtë duke plotësuar formularin e rianëtarësit, mirëpo ndryshon taksa administrative për rianëtarësim. Pra, bazuar në Vendimin e Kuvendit të Odës së Mjekëve për taksat administrative,

mjeku për rianëtarësimin e dytë duhet të paguajë taksën administrative në vlerë prej 200.00€.

Bazuar në paraqitjen e kërkesës për rianëtarësimin e dytë, Komisioni për Regjistrim, Licencim dhe Rilicencim nxjerr Vendim për rianëtarësimin e mjekut.